

四庫全書

集部

欽定四庫全書

少室山房集卷六十

明 胡應麟 撰

七言律詩七十九首

沈侍御楊茂才同邀太虛樓燕集余適留滯湖
上以薄暮過則賓主偕行矣戲東一律

蕭蕭寒雨隔孤篷
慙愧平原十日同
是處新詩懷沈約
何人玄草敵揚雄
地偏雲際留雙鶴
天濶湖頭滯片鴻

握手後期堪永夜暫將離恨託絲桐

送程仲凱之兩都

五夜山陰興獨乘海天遙望白雲凝囊攜劔色過燕市
船載簫聲出廣陵何處新詩酬北雁當年奇氣羨南鵬
高臺倘遇荆丹輩好上黃金第一層

黃禹鈞邀同張總戎汎舟湖上作

飄然飛鷁下澄波千頃其如叔度何郭外雲嵐芳草合
湖頭風雨落花多參差碧殿浮丹鷺曲折朱欄貯翠蛾

握手茂先雄劍在夜來星斗共摩娑

送趙符卿之燕中

夾道衣冠激水傍欣看承詔入長楊
龍池乍逐抽毫客鳳闕新超尚璽郎
旆擁飛霞行碣石船隨疎雨出錢塘
中朝相業誰堪並竹帛行占太史揚

夢王行父並寄薛素卿二首

水殿雲廊卧碧紗長風吹夢入東華
高梧帝苑猶飛葉藜菊仙臺盡試花
江上數峰湘女瑟河邊孤月漢臣槎

牆東是處新粧麗莫戀青門舊種瓜

天街何處問平康不捲珠簾見畫堂粉面三千迴薛媛
朱顏十五侍王昌名駒蹀躞黃金勒乳燕呢喃白玉梁
斟酌章臺人在否羅巾猶護百花香

同茅山人過胡上舍園亭作

面面珠簾護綠蘿平湖十里漾清波長風廣榭飄梧竹
細雨孤亭拆芰荷愁緒頓隨秋色遠賞心殊為暮涼多
相逢大有高陽興不駐征驂奈爾何

趙中丞以督學檄祠鄉賢中丞宗魯別駕尊人
也

歸來三徑抱雲眠片石江郎大隱年五畝盡忘中令貴
一鄉誰並太丘賢青門舊吏懷風素紫閣名卿問草玄
共識珮刀龍種在翩翩才望達甘泉

熒煌飛檄到鄉閭猶憶中丞舊上書九列勲勞存琬琰
三朝名姓重璠璣納言司近雙龍闕廷尉門容駟馬車
咫尺遺風勞夢想高槐留蔭在前除

送趙宗魯之河間別駕二首

雙旌搖曳薊門東，易水飛花撲亂紅。
國憲久傳中執法，家聲重覩右扶風。
交河壁壘巡行近，渤海樓船控制雄。
屈指循良推第一，徵書晨出未央宮。

十載明經擅草萊，青雲搖曳珮刀來。
名家舊識中丞後，佐郡仍推別駕才。
擁蓋日華流漢殿，抽毫霞色動燕臺。
應徐咫尺南皮近，彩筆雄章次第裁。

大學士趙公手書促駕賦謝二首

十年臺館布甘霖迴首高山悵玉琴
身傍紅雲扶日月
夢隨黃石到家林天邊八駿堪誰馭
海上羣羊漫獨尋
慙媿草玄門下士大揮椽筆到江潯

蒼蒼雲霧繞漁磯漫說商顏戰勝肥
丈室擬從三鳥借
尺書仍傍九天飛肩攜瓢笠來青瑣
夢掩琴尊出翠微
清切上台連紫極不煩河畔訪支機

淮甸張公舊守吾州將繇上考擢行省
參知聞余
僦居武林夙駕見枉且邀飲署中並命舟資

送京口感其厚遇賦謝此章

曾是司空舊莫耶
精光搖曳傍高牙
胡床正落南樓月
大旆仍飛北府霞
蔽芾甘棠懷海嶠
青熒藜火夢天涯
銜知未愜如澠報
心折江城奏暮笳

流河驛遇蔡儀部稚舍話別作併訂約晤于武
林

握手雙龍去住懸
河橋晴色對潏然
中林驟報亡猿日
北塞真同失馬年
曳杖天窮蒼嶺外
抽毫霞湧赤城前

戴家精舍谿頭近乘興能飛雪夜船

送人還會稽

夕陽行色悵孤蓬大海家林桂樹叢芳草不堪吳塞綠
飛花猶戀越臺紅相看遊子悲春盡何限才人泣路窮
明到錢塘潮落後書郵頻寄北來鴻

登攜李烟雨樓寄沈純父侍郎

夾岬春波漾綠蘋千家晴色照垂綸獨為烟雨樓中客
遙憶昆明殿裏臣九塞兵車間仗鉞五陵冠蓋避埋輪

應知屠狗風塵下大有華陽擊筑人

淮上過景陵徐丈以參知督開新渠余目擊其
胼胝之苦茲工將告成先賦二律柬之

四載功成翊帝堯
驅山鞭石夢鳧搖
蔥龍紫氣騰天闕
燦爛玄圭錫聖朝
白浪南排千谷迴
黃流東注萬川遙
當年壁馬俱陳迹
何藉宣房漢殿謠

海岫清秋奠六鼇
空濛元氣護臨濠
平成載睹唐堯世
疏鑿寧知夏后勞
大野寒風迴濁浪
長淮晴雪下飛濤

他年太史河渠傳錯落金泥映彩毫

徐參知總角與余游中間顯晦殊途不相聞問
者廿載茲邂逅淮甸特邀余為具署中清燈
話舊不勝今昔之感即席載賦二律時參知
以青雀見假由此竟達燕中矣

蹤迹雲萍半杳然相逢岐路剩留連
慚稱魯國通家後好是豐城拭劍年
錦席易中賢聖酒牙檣難認孝廉船
銜恩不盡窮途思極目長淮大旆懸

瀟落長途賦遠遊青帆馳載出河洲雙龍吐霧蓮花合
片鷁乘風竹箭流搦管東南空大澤飛旌西北近神州
酬知一寸將何事日夜薇垣望斗牛

稚升水部余同甲子而艱於嗣育亦略同茲抵
淮聞諸姬有將就館者余為喜而不寐先賦
一律柬之

舟航長日寄菰蘆紫氣淮陽照客途蹠蹠共誇騏驥種
飛鳴今見鳳凰雛芳蘭九畹移金屋

君侍姬
美且都

鼓桂千山

照玉壺

用淮南
小山事

為愛謝家庭樹好三珠林立報懸弧

彭城晚泊蔡別駕載酒驛庭話舊蔡以前西安

令遷淮上署篆于徐

一尊何處憫窮愁清夜前除問蔡侯
露冕中原新政績
鳴琴南國舊風流
波聲淮海環公署
山色徐方照郡樓
明發可堪揮手恨
青帆遙遡大河流

龔觀察子勤舊分部越東于不佞大有國士之
遇茲舟過濟上奉寄二詩

朱旂曾閃越城頭，渤海重看政績留。
南國雙龍飛電彩，東方千騎擅風流。
嵯峨傑構靈光殿，縹緲危梯太白樓。
後夜胡床明月滿，可容詞客並追遊。

江風無賴木蘭橈，濟上逢君興獨饒。
一代循良垂琬琰，千秋詞賦勒瓊瑤。
參天松色秦封近，際海棠陰越甸遙。
莫笑征途頻繫纜，孤雲隨處是河橋。

濟上遇王世叔通侯時龔觀察邀王同集太白樓以督運迫簡書不能待輒此寄訊并東黃

說仲山人

玳瑁筵開半寂寥
青帆無賴木蘭橈
波濤水國雙鴻度
星斗天門一鶚遙
閱累朝傳帶礪
詩篇頻夜夢瓊瑤
何人共賦從軍樂
咫尺長安近灞橋

觀察晉陵龔公招飲城南太白樓二首

百折危梯上翠臺
飛樓雲際劃蓬萊
客疑供奉乘風到
人似征西玩月來
宇宙並懸終古蹟
山川重遘異時才
當筵何限清秋色
欲挽羣仙步玉臺

五夜騎鯨八極遊千秋陳迹尚高樓窓中齊魯青如畫
檻外徂徠翠欲流呼吸舊知通帝座飛騰今見近宸旒
酣歌敢作長庚態清切寒光射斗牛

呼吸帝座
太白舊話

翌日載集杜陵南池二首

有序

杜舊有五言律見集中後人因為亭館植荷
芰池上歲久頽廢龔公子勤至改葺塗繕煥
然復新且以濟寥寥一水迺兩拾遺並有藻
翰揭之千秋因建祠城東合奠太白少陵實

詞塲一盛舉也余以行迫不及賦詩輒并紀

此序中

濟水東迴衆壑馳才人名蹟尚清漪高樓百尺曾供奉
旅館千秋更拾遺白苧飛揚春雪後青萍離合暮雲時
浣花溪上愁無限得似修篁蔭夾池

萬瓦鱗鋪霽色分滄波長日下鷗羣當年海岱留詞客
此日河山共使君大業庭中玄草在孤芳池上白蓮聞
風流咫尺饒相望搦管長天對夕曛

王新建邀集樓船賦謝二首

幕擁清油近玉除
筵開紅拂薦
郇厨侯門是處容
彈鋏相府何勞話
曳裾天外欲歸遼
海鶴霜前頻膾路
河魚珠簾十二饒
清燕一枕棋聲夢寐餘

古樹疎花照綠苔
樓船開讌客頻來
營門禮數寬長揖
記室詩篇媿上材
大旆生風鳴朔野
飛旌搖月動燕臺
寧知一代元侯重
彩筆華箋次第裁

秋日過茆厚之同胡勞徐三子小飲作

徑裊松蘿半榻懸圖書四壁倍蕭然揮毫是處慚先達
伏櫪能無笑暮年旅興蒼茫斜日底雄心寥廓斷虹前
千金抵售長門賦誰解成都覓太玄

贈南吏部

吏部聲華四海聞山公才望世無羣南金並奪中朝譽
東壁兼傳太史文水鏡清光懸白日冰壺寒色駐青雲

從知意氣風塵外幾夜長歌拭劔紋

吏部為太史從子

送南太史歸關中省覲

西風晨起木蘭橈垂柳千絲拂畫橋夢倚日華中秘近
心飛雲色太行遙翩裊彩服娛春讌奕葉青綾話蚤朝
一笑下機秦媛在簫聲頻夜合瓊瑤

尊人亦讀
書中秘

同徐皞明茅厚之過胡上舍園亭聽閔生琴作

夾道修篁帶茂林一尊攜手暮登臨咸陽趙李頻相過
易水荆高不待尋花榭雲霞流秉燭蘿軒風雨入鳴琴
亦知湖海原兄弟暫借衡門話陸沈

贈孫水部用純用純工文賦學無不窺至弧矢

之精儕輩尤罕及者

縹緲黃金薊北臺高天虹色異人來雕弧七札穿楊技
綵筆三都視草才秦望山川盤禹穴昆明池水夾蓬萊
談詩東閣饒清興莫遣斜陽墮翠苔

用純會稽人藉六詔

過孫水部談兵

一劔虛堂共眼明談天捫虱異時情曾聞激石臨滄海
幾為餐霞賦赤城燕俠未荒屠狗事邊庭偏畏射鷗名
長纓莫漫誇樽俎遠攝匈奴避漢營

孫用純署中觀射作

金僕姑懸鐵衲襠紫髯豪俠舊孫郎曾攜短劍過平樂
欲請長纓出未央東閣梅花聊入咏南州竹箭共稱良

何當手勒燕然碣白馬橫飛向大荒

用純官水部
而原籍越中

送人入蜀

龍劍光搖大海濱
河梁斜日賦離羣
三千蜀棧長飛雪
十二巫峰半出雲
迴雁祇從親舍落
啼鶻偏向客途聞
新詩一寄臨邛肆
投夢先過卓女墳

寄徐方伯二首

惆悵驪駒繫綠楊一燈聊為故人長
朱絲永日閑清廟
白紵深宵出畫堂
耒耜風雲莘野畔
舟航霖雨傅岩傍
碧天吳越相望近
對倚青萍拭劍鏗

長嘯歸來話陸沈
草堂新築近東林
南州尚憶朱旂度
西洛爭傳絳帳臨
匣底星辰蟠玉劍
床頭山水拂瑤琴
探竒莫戀登高屐
飛動蒲輪越水潯

贈黃山人說仲二首

時居王新建幕中

短髮飄蕭詒轉蓬
玄心寥廓送飛鴻
樓依庾亮窺明月
劍倚荆卿擊斷虹
古洞天台桃自發
小山淮海桂偏叢
燕然絕頂題名處
可羨班生制作雄

幕府翩翩舊孟嘉
居然長揖傍高牙
攜將江夏波千頃
共汎山陰雪萬家
記室雄詞飛彩翰
營門高嘯和清笳
荒臺百尺斜陽裏
慘淡黃金宿暮鴉

寄區用孺太史兼柬高正甫秋官

四百竒峰取次遊
飛帆重溯潞河流
純鈎乍合雙龍劍

彩筆偏修五鳳樓日轉薇花連帝座星分藜火近宸旒
翩翩常侍同盟在風雪華陽幾唱酬

參知淮甸張公以崇正書院志屬余校定且命
賦詩寄以七言一律

畫棟雕甍越嶺前樞趨名蹟儼羣賢宮牆百尺星辰聚
俎豆千齡日月懸絕學龜鳧留正統

婺中舊有
鄒魯之稱

遺經龍

馬識真傳衣冠夾路甘棠化絕勝文翁治蜀年

聞惟寅謝事寄慰四章

銅柱勲名日月傍誰將
蒼苔溷行藏袖椎無客同
朱亥彈缺何人過
孟嘗動色燕臺傳
市虎關心遼海問
岐羊他年首事金城策
老為先零出廟堂

熒熒聲名駕四豪
邊烽十載罷臨洮
藏弓敢抱孤臣恨
授鉞寧知上將勞
篋裏千章饒賦雪
床頭七發快觀濤
赤松黃石俱相待
底用留侯辟穀逃

明滅烽烟大海頭
可堪投杼入龍樓
降王尚自驚飛將
醉尉能無阮故侯
馬革塲中心未老
鷓夷湖上興難留

河山帶礪先朝事遮莫功成賦遠遊

十萬良家劔氣騰天威南北倚憑凌虛疑都尉降沙漠
不遣元戎駐灞陵宇宙論功誰白馬江湖流謗幾青蠅
寧知廿載東山夢一到瓜田恨未能

無題二首

行盡春風白鼻騮傾城傾國漫同誇纖腰欲妬三眠柳
笑靨長欺百合花紫陌鳴鞭朝映水青門挾彈午飛沙
高唐頗憶襄王否獨向詞林說景差

窈窕珠簾護綠苔
平康三曲近蓬萊
黃鸝百轉金鈿盒
紫燕雙棲玉鏡臺
北苑丹青絕世東
隣紅粉最憐才
傳聲為問章華客
尚許劉郎隔歲來

曲中有善丹青而好遊文士者

榜人自潞河歸再寄徐觀察時徐丈以河工奏

計晉階

雪花長日墜
干將何限酬
恩國士腸
揮翰敢期王逸少
飛帆重借顧長康
河流百折蛟鼉靜
海岬千秋蜃鱉藏
是處平成誇帝力
玄圭三錫下明光

秋夜長安邸中同葉叔明燈下酣飲至醉作時
葉以閩中公務至

木葉紛紛墮翠苔
西山秋色半蓬萊
青燈載下陳蕃榻
濁酒頻呼郭隗臺
雲暝帝城雙鳳宿
月殘仙掌片鴻來
無嗟宦轍風塵下
歷塊行占上駟才

贈傅吏部代同人

屈指蘭陵校藝年
飛揚環珮入甘泉
冰壺獨抱風塵際
水鏡高懸日月前
價踊層臺收駿骨
光浮深獄辨龍泉

吹噓倘借東風力旦夕河東上御筵

夜集相國趙公府中話別作

銜恩龍劔色淒淒何限霜華照鷓鴣紅日已看中秘近
白雲猶傍太行低親闈菽水飛魂夢相府藜燈惜解攜
莫悵燕吳成遠別春帆先到潞河堤

相國趙公邸中夜談因留宿齋頭作

劇語深杯興未闌平章西第傍金鑾高齋敢謂青綾薄
煖閣渾忘白苧寒密篠飛霜流藻井疎桐移月下雕欄

無勞夜望三台色萬仞晴光燭翠巒

送沈司馬請告還越西

易水寒風遡畫橈歸裝行值廣陵潮
休文老去腰圍瘦昭略狂來意興饒
白日鴻心猶慘淡清冥鵬翼轉逍遙
看君司馬書成後藉藉埋輪在聖朝

相國趙公屢疏乞休未得請見寄二章奉和

啓事頻年叩玉宸飛書遙夕降絲綸
東山是處催賢佐北極能無仗老臣
三殿風雷馳豹尾九重天日耀龍鱗

他時太史如椽筆肯放平陽躡後塵

江天何處問蒹葭六洞三山照紫霞
朱草欲尋仙梵宅赤松猶駐帝王家
經綸魏闕憂難竟黼黻虞廷望未涯
十載飛熊仍夢寐滄浪能復戀魚鰕

潞河夜泊同黃說仲過陶懋中舟中二首

白舫青簾半畫圖金尊銀燭夜呼盧
投簪元亮開三徑汎宅朱公住五湖
太液新霜流菡萏長安明月墜菰蘆
荆高眼底看誰在目斷燕城舊酒壚

跋扈飛揚縱巨羅一尊攜手暮涼多江湖意氣關蘿薜

說仲時居世叔通侯幕

海岱行藏狎芰荷片月新秋蟾闕吐雙星明

夜鵲橋過西風玉笛胡床上無限梅花落絳河

時七夕前一日

閔山人逸之工琴奕丹青而賣藥長安市秋日

過訪即席賦贈

短褐翩翩向暮過居然名勝對藤蘿燕京舊識懸壺技
易水重聞擊筑歌杏苑春光頻爛漫橘林秋事近如何
西風漸起枚生色同步長安太液波

送李太史使秦中

乍捧龍章上玉墀
飛旌遙別鳳池雲
開乍識蓮花掌
月滿頻攀桂樹枝
赤社琴尊操管夜
黃河簫鼓落帆時
朝元閣上春風繞
為賦河山百二詩

送區用孺之楚中便道還粵

吟盡長安白鼻騮
一函晴捧下金華
青圭夜剪唐藩葉
彩筆晨飛漢殿花
星動斗牛人倚劔
天垂河漢客停槎
飛雲絕頂重攀處
莫戀羅浮葛令砂

送錢將軍之北平

斧鉞朝移右北平
東方千騎去還鳴
霜飛大纛盧龍塞
霧擁高牙涿鹿城
將苑揚班新授策
詞場韓白舊知名
梅花一曲胡床暇
草檄時過細柳營

與張仲立顧靖父別且十年餘忽晤于顧山人齋中喜而賦此

憶別西崑二十年
陵陽雙璞尚依然
聲音未變論心後
鬢髮頻驚握手前
風雨差池河朔社
乾坤寥廓汶陽田

高齋此夜長虹色何羨黃金帝闕懸

熊茂初蔡伯華袁景從招集劉仲修園亭

掩袂風沙赤日昏長安西曲亂雲屯花前一駐黃金勒
樹裏頻呼白玉尊漢柱文章高八斗燕臺絃管落千門
竹林嵇阮俱陳迹突兀靈光尚帝閣

題李大將軍鄭大司馬閱武諸營冊

精甲橫陳大野傍上公文武並鷹揚貔貅萬隊連營出
魚鳥千羣列陣翔劔拂天山紅日近旌懸遼海白虹長

功成羽獵仍題賦不道詞人是姓揚

送崔子玉之川中

細雨行裝發潞河都亭握手聽驪歌
傾殘竹葉能留否飛盡桃花奈別何
郢里雪深詞客到陽臺雲滿逐臣過
鸞箋十樣饒春色蚤寄西征向綠蘿

送謝友可還臨川

斗酒都亭落日懸清霜紅葉舞離筵
長驅駿足燕臺上少別螭頭漢殿前
秋事轉深陶令菊歸期曾約遠公蓮

東風韋曲花千樹早發潯陽下瀨船

秋日高正父邀同汪公幹蘇叔大遊天寧禪寺

玉拱璇題照畫廊珠扉銀鑰護禪堂青獅躡霧遊天帝
白象拏雲坐法王樹老菩提雙刹在花殘優鉢一燈長
前身我亦龐居士倘許先登七佛航

登天寧寺浮圖送高正父南歸得霜字

天豁西郊半大荒高秋雲日散微茫三千界湧招提色
四十門開舍利光易水荒臺傳市駿羅浮歸路問騎羊

孤航拂曙河橋別月滿長堤萬樹霜

壽李太夫人太夫人為本建孝廉母昆季五人

紫氣秦臺上碧紗支機何處問仙槎庭前瑞鳳啼孤竹

太公觀
察先逝

堦下名駒列五花南岳金璫搖彩日東陵玉鳥

步明霞當筵可認偷桃客一笑重來阿母家

送胡昌世還嶺南

漫道虹光燭斗躔塵埃猶蝕舊龍泉不禁徐幹成中論

誰識揚雄抱太玄桂樹霜林孤渚外

昌世有別
業在桂州

梅花鄉

國亂峰前羅浮翠羽人如玉絕勝長安杜曲眠

送汪明府之蘭谿二首


雙鳧迢遞出楓宸
駟馬喧闐擁畫輪
邑宰成都衣錦客
關逢函谷授繻人
春風水驛栽花遍
夕照山衙掃葉頻
回首御屏書第一
循良何事問州民

河梁初日照棲鴉
玉鳥高凌大海霞
射策中朝新上第
傳經南國舊名家
香飛桃李盈山郭
秀擷蘭苔傍水涯
屈指黃金徵漢殿
漫將離色賦蒹葭

暮秋望日同潘少逸蔡稚舍夜集王水部宅

過從良夜拂朱絃上客相攜玳瑁筵
工部詩名三世後司徒文望四朝前
梅花尚憶揚州署桃葉頻呼白下船
莫悵秋光重九暮月華仍向鳳城圓

是夕月色如畫水部改席庭中酣暢丁夜再賦
萬頃蟾光浸碧空千門雁陣卷西風
高天霜露金莖外大地山河玉鏡中
團扇欲辭清暑殿胡床如坐廣寒宮
夜深誰唱霓裳曲極目飛鸞大海東



少室山房集卷六十

欽定四庫全書

集部

少室山房集卷六十一至
四

詳校官編修臣翟槐

侍讀臣孫球覆勘

總校官庶吉士臣何思鈞

校對官中書臣王鍾泰

謄錄監生臣周世燦

欽定四庫全書

少室山房集卷六十一

明 胡應麟 撰

七言律詩七十首

暮秋舟次南皮故人太末趙宗魯以別駕經略

河渠邀集行館話舊并命小奚撥阮放歌酣

暢達曙即席賦贈二章

長夜高齋坐綠苔扶風名郡近蓬萊中丞海岱傳高節

太史河渠錄異才月影似窺桃葉下風聲如和竹枝來
誰言百里淹騏驎滿眼黃金碣石臺

促膝談心宛故廬雕欄香閣夜躊躇千家海色堯封近
九派河流禹鑿餘嘯引雄風來大陸歌延明月下前除
腰間漫說虔刀在咫尺甘泉攬珮魚

留別宗魯別駕二章

河橋霜落片帆遲握手平原佐郡時共道賓遊新北海
那知名蹟舊南皮毫揮五色霞飛動劔擁雙鉤霧陸離

一笑主人情不淺
蘭橈先訂隔年期

宗魯署在泊頭驛
東偏河西南皮皆

漢魏
故蹟

蕭蕭寒雨菊花晨
握別那堪衡水濱
愧我尚為浮海客
知君元是濟川人
滹沱雪淨千門曉
渤海霞明萬樹春
廿載羊裘仍大澤
東風愁色話垂綸

重九前一夕宗魯攜具泛舟中流月光澄徹千
里如練命北部樂人合絲竹二奚童以南音
佐之丙夜改席登臺暢飲主客咸潦倒濡首

復泛舟奏樂而歸二首

縹緲滄波浸綠苔，仙槎搖曳見蓬萊。
登高不為重陽住，送遠仍攜片月來。
夾岸旌旗縈舸艦，飛空鏡吹動樓臺。
鷺心後夜河橋別，彩筆頻將麗句裁。

古樹寒花夾細莎，玳筵銀燭照清歌。
城臨大陸飛霜蚤，舟放中流得月多。
鼓瑟似逢湘女下，抽毫如覩洛神過。
不緣別馬風期遠，誰解沙棠泛綠波。

九日舟次吳橋過顧生樓船夜酌即席賦

古道垂楊映綠莎中流橫吹咽清波黃花九日凌霜發
白苧三秋並雪歌朔氣乍傳金柝冷秋光遙墜玉繩多
朱門豈必非同調大有才人挾瑟過

寄周文學懋修余客歲過吳門宿其齋頭聽懋
修歌自製吳歌甚適二首

郭外尋君繫短篷蘆花深映夕陽紅江東似爾真公瑾
吳下何人更阿蒙淅瀝商風迴錦樹飛揚春雪和絲桐
紙窗竹屋青熒處苦憶疎燈夜半同

沙棠遙下越江濱，握別垂虹幾暮雲。
胡廣自慙東漢譽，周顥寧負北山文。
風前郢曲陽春度，雪後吳歌子夜聞。
三畝太湖容客住，荷衣行赴白鷗羣。

與狄明叔別十載，邇來舟過清源凡三繫。
纜俱不及晤，特紆道訪之南郊。

黃河南下半飛沙，一別旗亭鬢已華。
玄閣千秋揚氏草，青門五色邵侯瓜。
頻年罷擊霜天筑，幾度空浮雪夜槎。
聞說玳筵歌吹滿春衫，行醉碧桃花。

狄明叔後房姬侍甚都而新畜小鬟十餘合奏
南劇尤為賓客艷慕先是余未及覩特此訊
之

十斛明珠燕子樓白櫻桃下最風流爭誇靜婉腰圍細
每憶嬌嬈態度柔買處赤繩頻繫足歌來紅錦半纏頭
龍鍾定遠龜茲外底事當年筆浪投

戲東張刺史仲立

咫尺刀州近帝都為官何事執金吾青袍懶逐唐先輩

墨綬爭迎漢大夫，越賈三千饒泛宅。齊姜十萬盡當壚，
騷人一借循良傳。莫訝南皮舊興孤，

張時為清源守

送林貞耀擢嶺南大叅

慷慨芙蓉拭劔鋒，飛揚雲色射雙龍。留題竺國三千界，
倚嘯羅浮四百峰。驛路梅花春浩渺，郊原棠樹暮從容。
那堪大纛錢塘外，把袂河梁急暮鐘。

張孝廉話舊作

濟上相逢話獨長，燕山迴首廿年強。聽鶯日醉鞦韆陌，

走馬時穿蹴鞠場，歷落雄心摧倚劍。
蹉跎華髮付沾裳，前驅為謝諸年少。
曾是新豐白面郎。

為曾人倩題風木樓

日慘天垂大廈陰，樓居人去白雲深。
千秋尚記靈椿祝，百折常懸寸草心。
砌裊餘花增悵望，窗搖殘葉助悲吟。
枝頭夜夜啼烏宿，腸斷西陵月下砧。

寄歐太史用孺曾內史明吾

雙飛龍劍隔天涯，五夜干將映莫邪。
客自西清傳起草

人誰東閣代宣麻
參差玉珮聯清漢
突兀金莖駐彩霞
回首長安猶尺五
不堪魂夢到霜笳

任城待閘再東龔觀察子勤二首

高牙猶矗岱雲間
松色徂徠隨翠鬟
北望燕幽饒大陸
東迴齊魯半山流
鼓吹洪濤靜遠岸
樓臺碧海閒
一代循良寧久借
春風明月向朝班

繡斧霜天羨獨持
百城民吏候朱旗
宮牆曲阜樞趨日
郡郭瑯琊眺望時
李杜詩篇千古並
唐虞文字萬家遺

風流漫詫銅鞮絕幾度南池岸接羅

太白樓杜陵南池
並在濟上岱宗亦

僅百
里餘

寄懷徐叅知二律

時君尚駐
淮沛間

十載元龍興未頽使君高誼重徘徊爭傳大纛臺端借
不道孤帆闕下回千仞呂梁雲縹緲萬山芒碭日縈洄

浮家莫話鴟夷事愁絕鄉書限大雷

時余以家君久
不得問故暫歸

一舸晨移越海濱邊淮林葉正紛紜飛揚使節持滄水
憔悴親聞望白雲世業久傳中論就家聲猶借太玄聞

由來國士身堪許
夜夜湛盧刷斗文

桑園晚泊民家籬
菊盛開因寄宋通侯忠父

苦憶東京宋子侯
嬌嬈歌曲擅風流
金花燦爛紫金谷
玉樹玲瓏照玉樓
西第壺觴頻嘯傲
東園車馬盛淹留
一尊何日長安市
醉挿霜華任滿頭

夏鎮得家君手書寄謝相國趙公一律

客舍何因戀采薇
親闈長日夢魂飛
猶欣太白陪明月
漫訝中台隔少微
龍袞乍開新鳳闕
羊裘聊問舊漁磯

春風咫尺長安道
拂曙蘭橈度海圻

王通侯世叔與余訂約同舟
余以諸故人挽留
未發世叔解纜先行
特駐濟上為岱宗之遊
以相待寄謝此章

突兀徂徠控斗躔
如雲車騎去飄然
行窺紫氣天門上
坐倚紅輪日觀前
吳越封疆千壘盡
云亭壇壝萬家傳
蒼松百尺遙相迓
一笑秦皇避雨年

舟抵留城追世叔
說仲聞已達淮上矣

十日侯門醉玉壺
西山晴色滿燕都
蹉跎上國停車蓋
縹緲秦淮下舳舻
調合雙龍詩思遠
愁牽獨雁旅魂孤
遙知王祭從軍樂
繞夜霜華照鹿盧

登鄒觀察彥吉宅閣望九龍諸山

古檜新篁泥霧濃
芳池晴色照芙蓉
雕欄紫翠飛千雉
畫棟丹青列九龍
擗管登壇春雪麗
銜盃開閣暮雲重
何因結社精廬畔
杖履名山日過從

彥吉構新居甚華
整晉陵勝概咸在

中日

七夕張汝元諸君醮金見過命樂工奏南劇申

旦乃別

令節過從正女牛天河斜挂越城頭高賢總逐雙星聚
大火初當七月流玉樹階庭懷乍遣金蘭湖海興難酬
清歌爛漫紅妝出秉燭風林盡夜遊

輓吳鴻臚

年政
八秩

彩筆凌雲帝座知投簪旋赴鹿門期三朝宦迹疎玄靖
一代人倫重紫芝鶴駕乍飛緱嶺日魚竿纔棄渭濱時

佳城鬱鬱黃山畔
淚盡階庭玉樹枝

後重九舟過姑蘇再泊葑門訪周文學懋修夜

集坐有善歌者即令歌懋修所製新詞余醉

憩齋頭達旦登舟為別

喬木吳閭帶淺莎
子雲亭下即烟波
那知九日黃花艷
重聽千秋白雪歌
霜色乍侵羅袂冷
月光偏向玳筵多
亦知古寺寒山近
愁絕鐘聲夜半過

武林夜泊雪大作晨起東陸履素使君

蕭蕭風色晚來嚴
浙漉天花照畫檐
粉署亂飄雲母屑
雕盤斜拂水晶鹽
歌成宋玉才情麗
論就桓寬政績廉
咫尺段橋春思近
蚤梅何處吐幽巖

履素時
司鹽鐵

入武林再東陸轉運

千騎東方阜蓋從
雲間才望舊人龍
金銀佛寺遊三竺
鹽鐵官衙寄萬松
送客湖頭青嶂遠
懷人天際碧雲重
桃花樹樹長堤上
憶醉精藍靜夜鐘

汪明府行春阡陌寄東

行春車騎寂無譁人識仙郎上漢槎
谿澗芝蘭初綻萼郊原桃李競開花
飄飄玉鳥攜雲氣縹緲瑤琴弄月華
却笑當年勾漏令賜金何以問丹砂

夏日同諸君訪黃元樞于禹鈞刺史邸得中字
蹤跡頻年悵轉蓬披襟聊此坐雄風平原十日心期在
河朔千秋意氣同南郭几凭朝雨後西堂簾卷夕陽中
無論異日黃香譽明月雙懸射彩虹

夜同詹東圖邵道卿過禹鈞元樞邸即席作

妙舞清歌出玳筵一尊攜手醉花前
藜然劉向談經夜
草定揚雄作賦年話舊總深天
竺雨烹新重醉惠山泉
不堪明夜河橋別憔悴雙龍劍色懸

詹癖茗事
有醉茶軒

賀魯方伯遷左二首

燦爛除書絳闕來參差紅日近蓬萊
河山十二分齊甸

浙中凡十
一郡一州

城郭三千控越臺
大樹帝思馮異績
甘棠人

憶召公才那知鼓吹西泠畔
剩有閑情賦綠苔

熒熒雙旌瑞氣濃
湖天晴色半芙蓉
楓宸黼黻三孤近

徽省衣冠百吏從
澌水當年符借虎
豐城遙夜劍成龍

誰言陝服棠陰舊
突兀黃金近九重

魯君舊守吾郡而家豫章

王中叔擢北部歸省天台以尺素相聞賦此代

餞時永叔乞假里中二首

除書遙逐夏雲來
希白齋空賦浪裁
突兀螭頭還漢殿
飛騰驥足上燕臺
桃花滿路迎仙客
棣萼分庭對上材

爛漫瑤池金醴熟
早攜青雀赴蓬萊

仲叔倅潤顏其署中軒曰希白有賦

時傳於

三山迴望暮雲平巖石羸鐫傲吏名玉漏乍趨新建禮
金波猶戀舊承明帆拖霧色臨滄海旆擁霞標向赤城
一笑季方重握手夜床風雨二龍鳴

中叔先任南曹今
擢北部故領聯云

王水部招集署中

熒煌銀燭照窗紗握手新知鬢未華忽向西園吹桂樹
渾疑東閣玩梅花崢嶸四岳排青漢突兀孤峰逗紫霞
署傍有四古石甚
奇中一拳特高秀
錦瑟沈沈春滿座何須蓬島問仙家

伶人奏劇適歌陸浚明珠記戲成此章呈水部
朱門何事濫吹竽玳瑁筵開繫白駒是處雲霞聯趙璧
頻年風雨泣隋珠華名第一歸仙客高價無雙得麗姝
美酒十千拚盡醉共將行樂賦山樞

仙客無雙
俱劇中語

無題戲為義山體

兀兀匡床旅夢遐銀屏珠箔思無涯陽臺作客千峯雨
漢苑懷人九陌霞舊恨經年迷錦瑟新愁頻夜泣悲笳
桂堂東畔天如水空結同心咏上邪

唐明府長公以詩札見貽賦答二律

浪迹山川信短筇塵埃十載笑踈慵聲華郢上推唐勒
詞賦雲間識士龍囊草雲霞飛薜荔劍花星斗濕芙蓉
無論咫尺神交易不忝鍾期異代逢

繡虎經年識姓名飛鳧遙夜入承明詩篇六代誇彭澤
文學千秋擅武城突兀山河留間氣躊躇天地話同盟
看君赤羽登壇日祭爛雙龍匣底鳴

林貞耀觀察以先集新草見貽賦謝

飛書遙羨筆如椽
滿握驪珠破夜眠
三世青藜千載業
一時玄草萬人傳
星辰劍色延江外
山水琴聲越署前
尚記阿咸林下醉
風篁搖曳夢魂懸

再入武林東王水部并懷蔡南宮

瑯琊門閣擅三吳
攜手燕城醉玉壺
尚記南宮鄰北闕
那知東閣傍西湖
簾櫳夜月飛吟嘯
船舫春風入畫圖
誰道宦遊鄉信隔
長洲咫尺在菰蘆

曩在燕水部與南宮寓所僅隔牆頭

右方伯曾公過訪賦贈二首

十二岩城生嘯中湖天晴色畫船空薇垣鎮靜周方伯
棘寺飛騰漢上公環珮乍看燕闕底旌旗曾閃越臺東
猶憐竹馬爭迎日屈指黃金召次公

突兀高牙大海傍分符猶憶舊黃堂兒童是處誇騎竹
父老經時識種棠北闕絲綸催曉露西泠絃管競斜陽
雙龍總屬司空珮幾夜寒花拂劍鉞

讀唐明府竒樟公傳作

亭亭蒼蓋立莓苔彩筆偏宜太史裁四海競傳枯樹賦

千林重覩大椿材
低枝乍挾虬龍動
老幹遙瞻鸞鶴來
見說三珠瀛島上
可辭飛鳥向蓬萊

送趙鈞父之都下

黃金臺下暮雲平
首躡駒駘問去程
帝里聲華馳孝穆
相門經術重玄成
秋風大壑潛虬化
春水長天畫鷁明
莫道平津猶臥閣
三台遙夜映吳城

方仲闇招同袁履善張汝元黃元樞陳忠父遊
湖上高梧飛葉茁
菖葑盛開舟行樂
甚即席賦

背郭名園一徑幽，佳人同載大堤頭。
千花別浦猶呈艷，萬葉平湖盡報秋。
夾岸軒車紅霧裊，飛空絃管白雲流。
沙棠後夜仍堪共，方外無勞問十洲。

袁履善過訪，余報謁秋湘館，則先一日避暑入
虎跑矣。泚筆題此章。芭蕉莖上，母以為嵇生
之鳳也。

野外玄亭翳白茆，朱門猶帶夕陽敲。
尋僧何處開龍藏，避客經旬住虎跑。
掩徑寒松飛雨集，當簷脩竹亂雲交。

從知叔夜疎狂甚片刺無勞續解嘲

贈王秀才有序

秋夕遵考冬官招飲署中生命嗣君出迓文

恪公四世孫也

握手階庭意氣懸雙瞳秋水照華筵熒煌玉樹三朝後
奕葉瑤華四世前江左烏衣元上座山陰鴻筆舊如椽
高臺百尺雲霄近翹首飛黃入薊年

陸使君邀集淨慈作

湖天晴色照樓船
酌酃桃花又隔年
阜蓋徧留三竺頂
青鞋時曳萬松前
塵埃司馬裘空敝
海岱元龍榻尚懸
莫向鹽車談吏隱
黃金臺色正蒼然

過任侍御池亭留奕達旦

菰蘆何處一留連
握手任安意氣懸
八郡風稜持斧日
三山霞色爛柯年
梅花慣覓湖頭寺
桃葉頻呼渡口船
莫訝秋宵銀漏促
分行雲髻簇華筵

寄周懋修文學并懷殷無美職方

飛書遠下楚江濱錦字橫題白練裙作客瀟湘頻望月
懷人間闔幾停雲紅顏總擅當壚曲黑髮先傳告墓文
最是滄浪亭下約不堪魂夢繞鷗羣

懋修訂余
卜居吳中

與詹東園別十載餘邂逅武林邸中乞余所著

詩數余拉其繪事為報戲贈此章

廿載都門醉濁醪重逢岐路興偏豪攜書笑我非麟角
落紙看君盡鳳毛

君名
景鳳

中岳亂雲秋夢遠少林深雪夜

禪勞殷勤且趁吳山色對握如椽望海濤

詹別號中岳
余以邑有嵩

高嘗自稱
少室山人

追和黃侍御滇遊詩冊有序

夏日過友人黃禹鈞第仲氏元樞出示先大
父滇遊詩一帙李于鱗徐子與謝茂秦皇甫
子循方君九敘施君峻諸名流遺墨咸在焉
瑯琊長公一篇蓋其弱冠時作風骨已自錚
錚吾邑章黃門迺七言律亦整緻不後諸君
而今集似不載且章集中餘詩備出此下豈

文字之傳真有幸不幸耶然此篇大類李于
鱗或一時同社稍為隳括也元樞力丐余追
和余于諸君惟元美子與石交餘率未面而
臭味風期不啻蘭艾且黃君先大父夙與家
大人同朝余雖晚未及把臂即一時文士磨
契若斯趣尚固可概見因課一章并占綴數
語卷末而蜀州散帙之感不能不悵惘于暮
雲斜照中矣

朱旗搖曳度丹梯
白筆輝煌下紫泥
宇宙忽看銅柱外
山川遙問鐵橋西
猿聲九驛催龍劍
象迹千崖送馬蹏
咫尺風流庭樹在
絢繚吟眺夕陽低

秋夜遵水部招同錢山人蔡文學集署中其前
庭古桂數株皆合抱
芬馥襲人時遵考瓜代
將及矣

握手青袍戀舊緜
華堂風霧酒頻攜
梅花東閣傳新賦
桂樹南山憶舊題

古樂府南山一桂樹

萬壑天香靈隱近
中峯月

色廣寒齊淹留莫唱王孫曲赫奕徵書到紫泥

薛叅知過訪奉贈

蓬門千騎寂無譁肯向鹽車問渥洼海上雙龍新氣色
河東三鳳舊聲華旂旂日閃錢塘樹鹵簿霞明澱水花
咫尺寒光牛斗近支機何用望仙槎

黃貞父過訪寓中余報謁已計偕北上矣

握手蓬門話太玄如雲車騎去飄然長鳴騶駟燕臺上
淡掃蛾眉漢闕前是處名山藏彩筆何人流水和朱絃

花枝爛漫平康下好趁春風十日眠

俞聲父餉書萬言推挹深至殊愧過情搦管附

酬并期見過

破浪雙魚下越來何人攜擲向蒼苔開函尺璧飄虹氣

伏櫪千金滯駿才流水胡麻尋玉洞

俞君有玉
石岩志

名山靈

藥問瑤臺莫嫌元禮門風峻五夜玄亭闕草萊

三楚盧使君過訪時以考績抵武林

五馬風行治蜀年歡聲馳頌使君賢重飛八咏雙溪上

舊事三閭七澤前畫鷁高秋停霧雨蒼龍遙夜揭奎躔
明光上考親題後爛漫黃金漢闕懸

盧文學以寧親來婺中賦贈祁陽郡公子也

意氣翩翩接雁行遙從朗潤識盧郎軒車此夕留河內
閱閱先朝重范陽貫日干將虹慘淡凌空毛穎雪飛揚
神交未極班荆思目斷錢塘一水長

送王思延還洛中兼詢陳別駕耀文

崧高雲色正差我拂袖言歸故綠蘿三箭流星傳紫塞

片帆飛雪渡黃河從余結襪心猶素羨爾投簪髮未皓
問訊潁川癡別駕君苗焚筆近如何

贈楊不棄山人楊工書畫篆刻風致甚高二首

淨几明窗照綠蘿鍾王遺迹自摩挲雙鈎忽覩唐貞觀
八法爭傳晉永和碣石譚天新塵尾嚴陵披月舊漁蓑
彈歌漫作馮生歎剩有黃庭換白鵝

畫史曾聞顧虎頭詩情重覩鄭台州揮毫白練霜風起
研濯紅絲霧雨流篋底靈文傳趙璧尊前竒氣問吳鈎

羊裘莫漫披燕邸昨夜星芒動斗牛

賀趙仲子擢秋官作

圖書東壁正逶迤環珮西清更陸離六翮驟飛鷓鷯省
一毛曾占鳳凰池香含太乙雲霞擁漏聽長楊日月遲
奕葉玄成門第遠併將經術報彤墀

賀李廉訪本寧初度二首

紫氣朝看越海屯加餐消息徧乾坤文章一代靈光殿
閱閱三朝建禮門北斗轉依南極耀長庚偏傍太微尊

方城漢水看如昨大業桓文次第論

北斗用泰山北斗語

東方千騎擁華筵金粟如來下降年黃菊盛開重九後
丹桃長熟小春前明堂共倚材如棟藝苑爭誇筆似椽
為駕青牛還漢闕書成函谷已流傳

時重九後十日

王岡伯至武林以彙輯武侯全書見貽卒業賦
梁父當年澤畔吟千秋魚水坐談深成湯聘後聞三顧
大禹征來見七擒渭水飛揚平寇畧祁山憔悴出師心
風期奕世朱絃在史筆煩君次第尋

鄭太初明府過訪賦贈先是明府大父光祿君
與惟敬惟寅及余輩結社長安今三十餘載
故人寥寥獨光祿巍然晚境并此寄懷

聲名藉藉重璫璣賜履飛騰上玉除文舉通家三世後
仲宣驚座萬言餘花香馥李連公解柳色柴桑近故廬
咫尺高堂人健在新篇光祿定何如

少室山房集卷六十一

欽定四庫全書

少室山房集卷六十二

明 胡應麟 撰

七言律詩八十首

御史大夫豫章徐公過訪

有序

徐公方督大工而破冗過存兼以貺勤渥
殊非所安賦謝二律

萬戶千門闢草萊甘泉馳道拂雲開
梯航絕塞中丞績

柱石明堂大匠材
鄴郡風流齊七子
豐城虹色射三台
寧辭病骨鹽車下
矯首長鳴郭隗臺

天都翹首碧雲重
祭爛軒車此日逢
廷尉高門容駟馬
司空神劔合雙龍
丹扉夜闕乾坤靜
絳闕晨披雨露濃
最憶登壇清興遠
千篇晴色照芙蓉

唐叅軍相國趙公客也
以需次居積燕中戲贈
茲什

三尺芙蓉照鵠鶻
居然大隱帝城西
懷中片玉仍依趙

索裡千金欲擅齊紫殿衣裳雲色近青樓絃管月華低
何來短簿輕相笑計日斜封下紫泥

潞河僑居逾月媵人于首夏翌前舉一女逾旬
復舉一男黃變卿王至卿胡靜父胡穀元茅
厚之過集齋頭戲作

拂曙懸弧向草萊經旬弄瓦坐莓苔雄雌敢謂雙龍出
絡奕偏勞駟馬來柳絮何時吟院落芝蘭遙夜發庭臺
無嫌婚嫁催頭白九域名山候賦才

相國趙公命館人除舍授餐以待余適產二雛
未及趨赴先此寄懷二首

設悅懸弧僅隔旬翩翩遊屐阻風塵加餐乍慰江湖客
吐哺重勞社稷臣五岳尚平先繫念三峨逸少晚留神
他年嫁娶酬生事萬里相隨叩玉宸

長鋏歸來嘆夜眠黃金臺色正蒼然高懸一榻平津上
驟啟千門碣石前風雨未教凌白苧乾坤何意問朱絃
無勞大厦歌寒素柱石明堂四海傳

王貞伯總戎曹能始計部偕僚屬並遊胡氏園
亭昏黑言旋二君更衣拉余痛飲申旦時張
中貴為主人

急管繁絃興入雲新歌妙舞送斜曛花間乍別鴛鴦序
竹裡重呼鸛鶴羣飛蓋陳思元結客抽毫王粲舊從軍
無論夙昔司空珮永夜雙龍合斗文

飲王茂才園亭戲作

碧天翹首暮雲流笑揖雙龍問斗牛賦就轉深司馬渴

詩成不散杜陵愁
千春海岱留高迹
萬事乾坤託遠遊
大白滿斟花滿座
姮娥今夜宿南樓

壽相國趙公二首

突兀平津見老臣
天容黃髮佐金輪
八荒壽域開玄圃
三殿祥光接紫宸
操管異時符鸞鷲
懸弧當日兆麒麟
亦知竹素流千載
一頌聊同四海人

綺閣晨開玳瑁筵
東華金醴百壺懸
周流花甲仍三五
迢遞椿齡尚八千
紫氣正留函谷外
丹心猶照渭濱前

他年無棣分封廣玉烏虛勞大海傳

長安逢吳允兆賦贈

布襪芒鞋易水遊相逢頻典鷓鴣裘論交宇宙誰青眼
握手河山共白頭上座飛譚迴九列後車傳食遍諸侯
他時叱石金華頂遲汝同登十二樓

同允兆夜譚作

殘燈遙夜話飛蓬慷慨燕歌照白虹青海未停東伐騎
黃河猶滯北歸鴻毫端秀色三都並筑畔雄心萬古同

一笑鍾期絃絕後高山重拭舊絲桐

過王中翰奕棋作

清簟疎簾照綠莎匡床曲几對維摩
庭中白晝銷碁局席上青山爛斧柯
暗郡宣城知得否連營淝水定如何
無愁晚色催歸騎大有銀蟾絳闕過

答東阿張明府肅仲時肅仲遠命書貺物色余
長安風塵中不遇幾返胡孟弢特為致之感
而賦答并似孟弢

屐齒蒼茫破綠苔，飛緘雲色滿蓬萊。
應憐疋馬齊東駐，敢望雙鴻代北來。
遙夜石函干斗氣，異時金鏡補天才。
何當一別荆高筑，抵掌華陽百尺臺。

送章行父之景州

五載玄亭憶問竒，秋風晨起出關時。
天涯客況誰青眼，海岱人倫見白眉。
一水移舟燕月墮，千峰搖筆岱雲馳。
銅駝陌上花如錦，大有山公醉接離。

贈翁少府

新樣春衫白苧裁，翩翩遊騎近蓬萊。
桃花尚狎潘郎貌，蓮幕曾傾庾尉才。
豈為鱸魚還越郡，仍驅駟馬入燕臺。
當壚漫奏文君曲，夾座紅桃映綠苔。

訪李汝藩獄中作

貫日長虹暮色凝，淋漓杯酒頌如澠。
含悽小吏呵周勃，雪涕中郎和李陵。
書就圜扉腸拂鬱，劍埋深獄氣跼騰。
文皇每飯思飛將，苜蓿金雞下玉繩。

王行父授官上林賦東有序

行父久需次不調忽以是月拜上林喜而賦
此

五載緇衣徧洛塵
明光晴日拜絲綸
唐宮全樹依官舍
漢苑飛花接帝宸
玉陛含香春縹緲
金門持戟夜沈淪
八川向背分流處
能憶當時奏賦人

送徐大司空還豫章時俞羨長挈家附公樓船
南返

掛冠神武思飛揚
揮手浮雲八座傍
劍擁霜華辭碣石

帆飛風色過潯陽天高自鑿葵心赤地近初逢菊蕊黃
漫逐羨門瀛海去宗臣勞動在明堂

寄李長史

脩竹參差映夾池十年歸夢阻江離曳裾漢殿春風蚤
飛蓋梁園夜月遲七發盛傳才子調四愁偏失美人期
唾壺歌曲英雄老憔悴青衫易水湄

送宋少府之南康

一葉秋風度薊臺爭傳飛檄下蓬萊雲收函谷青牛去

霧擁匡山白鹿來，帝惜揚雄甘吏隱。人占梅福是仙才，
香爐紫氣三千仞。為掃題名舊綠苔。

送范叅軍之白下

藉甚叅軍鮑照賢，攜書遙赴秣陵船。清江桃葉懷人夜，
涿水蓮花作吏年。大府旌旗朝讌合，高門袍笏晝遊旋。
崢嶸鷓鴣金波麗，賦就先從洛下傳。

中秋同允兆諸子集趙相國第玩月二首

靜夜胡床拂斗牛，天街涼月湧青虬。銀窺帝釋三千界，

玉倚仙人十二樓
墜露迴霑長樂夢
飛雲旋逐廣陵遊
淋漓桂醕黃封在
一洗都門萬斛愁

吐握平津近帝閭
鹽梅佳節許同論
蒲萄漢殿馳中使
薏苡燕臺出上尊
玉笛飛霜連四野
金莖零露滿千門
霓裳陣陣天風落
猶記嫦娥一笑溫

林同卿過訪作

一別錢塘夢未迴
朱明雲色幾含杯
旌移合浦風前葉
傳擁羅浮雪後梅
建禮含香清蹕近
甘泉司僕紫泥催

三千騾牝馳金埒倘許飛黃託乘陪

查少叅入賀賦贈

獻賦當時共洛陽翩翩裘馬少年場
追思文考朱顏麗轉愧安仁白髮長
暮雨軒車留碣石秋風船舫隔錢塘
金銀四百湖堤寺悵望遙天菊蕊黃

送斯惟武之塞上

惟武余郡人負奇氣逸才與李允達善以尺牘干言謁余

河東裁就筆生花聊逐秋風問漢查
身著短衣隨屬國手提長戟事輕車
千言謁帝心逾壯一賦從軍鬢已華

奇績賀蘭峯頂望萬山明月照龍沙

贈鄧叅軍明府遠遊尊人蚤歲棄官隱匡岳

手板那能謁路傍扁舟歸興逐潯陽叅軍不戀芙蓉幕
仙尉偏宜薜荔裳釣倚宮亭明月近樵穿廬岳亂雲長
誰言玉樹階除畔百尺差我在廟廊

送鄭明府之山東

百里絃歌遍訟堂銅符墨綬正飛揚橋迎駟馬過平樂
烏化雙鳧到上陽汶水星芒流劍匣齊山雲色墮琴床

看君異日循良宴第一雄飛漢殿傍

送鄧遠遊令浦江

九月西風木葉黃才人初釋芟荷裳無論白雪誇金馬
聊為丹砂問石羊縹緲孤查凌大澤聯翩雙鳥度長楊
江城咫尺絃歌起桃李新陰匝訟堂

送鄧遠遊之浦陽時將以便道歸匡廬為太公
壽

黃金臺下驟驂騑又見栽花大海頭倚匡廬新白鹿

關停函谷舊青牛三都賦在驚玄晏八咏篇成和隱侯
溪上秋蘭吾舊宅一觴行為澌紋留

送張博士

賦就河東絳闕傳一官行李尚寒氈青衫乍脫燕城下
彩筆仍飛越嶠前去日雲霄偕雁序到時星斗動龍泉
掘趨咫尺南宮近莫滯侯生問字船

送張仲蔚之慶源

河橋尊酒醉還醒惆悵離歌薄暮聽五夜芙蓉雙劍紫

萬山桃李一毡青何人帝里酬春雪有客仙都問歲星
計日子虛天尺五生徒猶誦太玄經

送陳座師之嶺右

除書初下玉宸班詔遣詞臣諭百蠻一棹鬱林先訪石
雙旌梨嶺盡穿山風雲絕域聊乘障雨露明堂欲賜環
花底刺桐春萬樹七星巖洞並誰攀

輓吳別駕

籍籍賢聲動草萊翩翩半刺未塵埃三臺總擅功曹績

八郡同推別駕才
易水佩刀殘月墮
天都歸櫬斷雲哀
無嗟司法吳郎逝
鉅筆曾煩杜甫裁

題管建初紫宸宣對冊

五彩毫揮白練裙
紫宸前殿召偏勤
百篇留宴唐供奉
三絕親題鄭廣文
斗色已看龍劍耀
家聲重詫鳳毛聞
長安多少擔簦客
咫尺何人覲五雲

送萬伯修中丞之朝鮮四首

鵲印朝從漢殿懸
歡聲雲擁薊門前
休戈隴坂屯田日

伐鼓漁陽出塞年
結客威名馳豹尾
封侯消息到龍泉
胡床不厭王猷傲
爛漫梅花笛裏傳

甘泉初錫紫貂裘
劍色飛揚射斗牛
定遠侯封天北極
受降城築海東頭
連營甲冑分丹轂
擁道旌旗照碧油
道是征西唵典劇
月華遙夜滿南樓

萬斛餘皇照巨羅
清江鴨綠笑顏酡
山西上將能橫槊
塞北名王盡倒戈
露布夜除玄菟壘
霜笳晴擁白狼河
金閨漫作遼陽夢
一戰燕然石已磨

輝煌珠履將壇從奕葉金貂帝眷濃座上短衣容薜荔
尊前長缺叩芙蓉扶桑日出消千蜃細柳天迴駐六龍
可念茂林詞賦客當壚憔悴謁臨邛

答張孝廉

貂裘垂敝尚遊梁欲挽鹽車上太行劍擁石函龍闕下
毫揮金鏡鳳池傍中山麩米澆愁盡大庾梅花入夢長
道是妝臺饒錦瑟佳期晨夕按霓裳

與黃山人舜夫別三十年絕不相聞問忽道遇

于長安青燈話舊不勝今昔之感即席賦此
把秋風前各愴神青燈明滅潞河濱三生恍覩前朝客
萬死驚逢絕域人寂寞未妨龍劍老飛揚猶喜鳳毛新
同聲咫尺荆高在散髮狂歌傍紫宸

少林浮屠秋漠行脚都下以姑布術持卷乞題

賦贈代

麻衣道者術親傳石室瑤編豈偶然一鉢舊攜中岳頂
雙燈今續大瀉前封侯定遠寧無骨入相剛成且問年

愧我黃扉頭白早丹青行辟四門賢

寄王新建世叔并詢黃山人

小隊尋花易水傍元戎旌節乍徜徉千檣楚塞飛葭葦
萬斛吳都下稻梁赤管頻年貽上國玄圭他日告明堂
翩翩門客饒朱履喜怒惟應共郟郎

夜過鄧遠遊劇談申旦先是遠遊賦五言八律

見贈屬余病冗未報茲當握別援筆近體四
章付遠遊小史歌之

落木蕭蕭夜過從
青燈明滅照芙蓉
橐鞬驟覺中原盡
旗鼓俄驚上國逢
霧擁雙龍懸碣石
風馳駟馬到臨邛
他時廣樂鈞天奏
莫忘齋頭舊雨濃

乍釋青衫賦遠遊
翩翩文彩跨登樓
躊躇易水新交定
濩落夷門故老留
寸管乾坤才欲盡
雙燈湖海話難酬
無論一盞傾如故
已訂詞盟到白頭

面壁傳衣事已陳
孤雲寥落傍風塵
青萍萬里長為客
彩筆三朝未授人
把臂壚頭傾海岱
持螯天末動星辰

何辭大白終宵醉話入如澠對愴神

擁坐黃花照別筵西風無賴木蘭船千人楚國迴高倡
一士成都抱太玄叔度經旬貪晤語淵源少日慰周旋
那能驟割新知興極目河橋思惘然

寄贈項觀察二首

幕擁青油坐綠苔高牙三輔近蓬萊函關吏識終軍貌
宣室神占大傅才雪地呼鷹迴樂堡霜天馳馬赫連臺
誰言帥府多表伏露布千篇屬手裁

片語雞林百鎰傳何人不慕項斯賢飛揚北府談兵夜
磊落南宮謁帝年絕塞雄風迴白羽長空明月墮朱絃
高門倘記登龍客一借胡床玳瑁筵

壽李翁

蓬矢桑弧繡闥懸桃花開落又千年流沙欲度函關外
弱水聊乘漢闕前拂曙霞光三鳥使橫秋霜色二龍泉
無論寶籙方平授窈窕麻姑出玳筵

夜同張轉運葉觀察秦孝廉集凌北部宅坐中

王大理孫太史曹計部皆同年友也

秉炬高堂話昔遊
升沈離合遞生愁
江東闕閱三才聚
洛邑軒車四貴留
下榻共青今夜眼
驅車全白異時頭
朝來一劍仍岐路
相望郵亭各斗牛

答吳觀察文仲時文仲以長歌寄余

彩筆翩翩漢史才
黃金持賜出蓬萊
長驅五馬過秦望
遠寄雙魚下越來
大海雲霓晨仗鉞
孤城雨雪暮登臺
名山萬仞金華色
屈指題名到綠苔

錦字千行墜北平飛書天未故人情揮毫白雪流三洞
露冕青霞接四明水國蒹葭寒入夢山堂蘿薜夜尋盟
瓊珠滿握慚相報慘淡長途一劍鳴

章納言宗理有事諸陵拉余同謁歸賦七言四

章

壺中何處問三山輦路蒼茫弱水環霧擁六龍迴地軸
雲扶雙鳳出天闕雕梁甃玉丹臺淨畫拱鋪金絳闕閒
五夜靈旗清蹕近蕭森風雨落人間

百二河山望未涯
飛流環玉漱雲芽
宮懸劍鳥長春近
殿擁旌旗太乙遐
古洞藤蘿時墜雪
仙源桃李亂飛霞
鈞天忽聽簫韶度
七日那能記暮笳

中天晴色敞玄扉
秣馬平明度翠微
碧嶂巧分千鷺立
蒼泉寒擘九龍飛
雲霞散彩鋪瑤闕
象緯飄光動玉旂
舊識上清童子在
應門猶著五銖衣

突兀玄宮護翠苔
金銀隨處現蓬萊
乾坤南北崑崙峙
日月東西秦華來
永夜旌旗環帝蹕
清秋絃管逐仙臺

鼎湖一望龍髯近欲起軒皇馭世才

題趙北部崧高卷

六洞三山締夙緣崧高雲色正蒼然
金身百丈飛龍日寶錄千秋記鳳年
杖錫乍移吳苑外香燈長護越臺前
菩提一鉢開甘露猶憶中林靜夜傳

投贈沈相國八首

金鼎調元贊玉宸羣公環立讓經綸
華夷一代瞻王佐社稷三朝仗帝臣
絳闕頻年迴雨露彤墀遙夜接星辰

異時伯仲標鴻業肯向伊周躡後塵

萬丈花光筆似椽明時蚤歲奪青錢
垂紳迴立烟霄上振珮長趨日月前
白髮樞衡調鼎夜丹心帷幄運籌年
平津漫詫封侯貴赤烏勤勞四海傳

屈指蒲輪魏闕徵蒼生翹首屬騫騰
文章八代占重起禮樂千年待中興
西極雲沙馳象馬南溟濤浪浴鯢鵬
亦知賜杖堪扶老未許東山日暮登

飛書遙度玉門關鴨綠江清燧火閒
萬甲驟空玄菟壘

雙旌遙奪賀蘭山
紛紜虎帳浴良策
磊落麟臺畫壯顏
漫說平陽饒汗馬
中天一柱定誰攀

十年調鼎繫遐思
霖雨親承玉陛詞
八士夜登元愷族
千官晨謁帝王師
逶迤樹色長春殿
縹緲藜光太乙祠
慚愧鈞天韶濩在
入將流水奏朱絲

冠代詞華八詠傳
中天霞色四明流
黃冠未許歸賢相
彩筆聊將和隱侯
環珮西園晴赫奕
圖書東壁暮優游
無論消渴須盤露
百尺金莖望斗牛

金史卷六十二
卷六十二
廿載貂裘客路難青冥長日望鷓鷯華軒肯挾三公貴
大厦寧忘一士寒日月夔龍新政府風雲揚馬舊詞壇
玄亭不厭侯芭學掃葉頻過十二欄

十年懷壁臥山堂老逐鹽車上太行矯首乾坤空駿骨
闕心岐路半羊腸星河暗蝕芙蓉珮雨雪全凋薜荔裳
道是姬公勤吐握將因詞筆獻長楊

感事

九折曾聞蜀道難
緜袍誰戀故人寒
長鏡杜甫朝朝斲

短缺馮驩夜夜彈垂首乾坤皮骨盡側身湖海鬢毛殘
天風習習扶搖近會向南溟刷羽翰

送李參軍使秦中

朱節朝持下紫宸北風揚旆潞河濱飛槎渭水星為使
授簡梁園雪照人去路正逢葭莖夕歸期先趨棣棠春
遙遙草色西池畔何限新詩入夢頻

贈孫太宰二首代

名世中原間出年三朝人望屬材賢冰壺獨抱青雲上

水鏡高懸白日前
珂色蔥龍分建禮
履聲搖曳動甘泉
千秋啟事傳細帙
肯讓山公筆似椽

徵書晨下建章宮
赫奕蒲輪眷注同
黜陟千官周太宰
安危一代晉司空
尊壘尚憶東山勝
柱石遙瞻北斗崇
咫尺黃金飛兔滿
驪黃聊為辨追風

章納言得雄過
是將益燕山之數
賀以七言一

章

梅花南陌正氍毹
蘭萼東風瑞氣含
四鳳桓生重邁一

八龍荀氏僅餘三克問此夕傳歌頌跨竈他年入笑譚
屈指瑯琊符勝事珠璣林立待分甘

陳罔卿過訪二首

危樓百尺暮雲孤象緯寒飄玉鹿盧校士當年曾越郡
空羣此日更燕都天閑盡獲龍媒否海甸仍求駿骨無
最憶牙檣蘭水畔滄浪一曲和潛夫

高天雲霧玉宸班咫尺龍鱗近聖顏靜夜鳴珂朝北極
清秋拄笏望西山風馳騷裊三千隊電擁驂騑十二閑

慙愧方臯談滅沒鹽車憔悴太行間

惟寅病榻對譚作

大厦華軒接上林
閒窗孤榻類山陰
朱顏我向愁中擲
白髮君隨病後深
樞下驥心時慘淡
杯中蛇影任浮沈
蒲團兀坐黃梁熟
萬戶燕臺急暮砧

徐文明館中聽歌

清歌一曲暮雲長
秉燭呼盧萬事忘
朱履三千迴別院
金釵十二照華堂
誰言工部生來瘦
漫說司空見後狂

妬殺盧家雙乳燕
春風聯翼向雕梁

夜飲徐文明邸即席作二首

相逢湖海盡詞才
車馬蒼茫踏翠苔
萬里鄉心同越嶠
新年春色到燕臺
筵前柘葉風初動
庭際梅花月漸來
遮莫河梁成遠別
黃金新詔出蓬萊

散髮狂歌動紫宸
天街良夜月如銀
朱顏暫借逢春客
白髮偏驚受歲人
宇宙風期迴擊筑
江湖消息報垂綸
高陽是處名流集
痛飲何辭大白頻

胡穀元招同茅陳諸生夜集余適留滯都門不
及赴

折簡招邀玳瑁筵那知春色負華年才人並集春明外
倦客孤吟建禮前易水乍聞新擊筑稽山殊愧舊移船
拚成十日平原醉栢葉椒花次第傳

寄何轉運

代

巖城平楚正蒼然突兀高牙大海懸三輔雲霞雙闕底
九河水雪萬家前公車竹箭同登日宦邸梅花獨賦年

漫說魚鹽留滯久家聲八座在甘泉

少室山房集卷六十二